

六本
李振聲
自

沈薇坦刪註

王叔和圖註難

經脈訣

小酉山房藏板

圖註八十一難經原序

醫乃九流之一醫書至難經醫者至秦越人並皆佳
妙者也秦越人有所養者也其著難經有所本者也
秦越人世不常有而難經世所共傳八十一難既設
則榮衛度數尺寸部位陰陽旺相藏府虛實脉法病
症概夫經絡流注鍼刺郁穴厯歷如覩於以發內經
之未發備內經之未備大有功于醫道者也厥後吳
之呂廣宋之丁德用紀天錫金之張元素元之滑伯

仁之傳俱為之解矛盾抵牾未有歸一之論其間明處固有晦處不無得雖云多失亦不少依稀彷彿真妄錯雜業醫者往往難之迨夫

國朝四明張君世賢子天成者稟賦高用意密醫有世傳學無涯涘而自得于心領神會者實深患夫難經之解未悉而圖未全也於是折衷羣言侑以己意每節為之註每難為之圖精微曲折如指諸掌然後八十一難答以發明而八十一圖始見詳備纂集成

書計若干卷藏於篋笥以備自覽一日扁舟過揚訪
余適余老母病危請以診視用藥如神得效最速僉
謂今之秦越人也余知其亦有所養必有所述詢之
再四因出圖註難經一帙以示予予亟讀亟羨方將
手錄偶兩淮都運呂公邦佑訪迎天成療治壺相宿
病有驗珍重其人話及所述呂亟求閱遂為鋟梓以
傳而徵文以弁諸首予惟儒道與醫道相爲流通者
也通乎儒不通乎醫者容有己未有通乎醫而不本

乎儒者也徒通乎醫者庸人也兼通乎儒者明醫也
世之以醫為業者皆資難經昔難今易昔晦今明一
披閱天成之所圖註則思過半矣然則儒醫兼通者
歟圖註難經其醫家之指南歟誠能由圖註而知難
經由難經而知內經其精醫世之功不為小補沈天
成之妙齡勤學將來之造誼著之功業其可量乎予
於天成舊有一日之長是用不辭而為之敘

正德庚午仲春之吉維揚徐昂識

自序

余業儒而命生不辰值遇凶荒飢饉之季復
遭鼎革之變先嚴棄鑾衣世職避跡津城
余時年弱冠有志青雲以復箕裘之望先
君見改革之後天下荒荒尚未寧息欲余棄
儒就醫余謂醫乃小道何能昌大門閭先君
曰汝能洞達岐黃之理利濟及人則良醫之
功與良相等遂從嚴命受業于浙紹吳劍

臺先生之門初讀素問難經臟腑經絡生尅
制化之理次讀脉經甲乙經及張劉李朱四
大家之旨最後見小集脉訣竟未註何人所
作偶閱古今醫統瀕湖脉學乃知六朝時高
陽生假名晉太醫令王叔和而撰雖有啟迪
後學之功然其詞理粗鄙謬誤闕者代不乏
人習者恬不知怪何也蓋因其詞理淺近且
有歌訣而初學之士易於誦習流傳旣久知

有脉訣而不知有脉經者多矣間有高明博
識之士能知其謬者百中僅幾人耳即內經
上工中工下工之謂也余既闢其非而又本
其詞者亦為初學之計雖固如是而詞理謬
妄者刪正之文義闕略者補註之使詞理明
通不致懸絕差訛又將李瀕湖脉學及奇經
八脉并為摘入輯成一書俾後之學者開卷
了然明白世之君子匡所不逮而恕其妄是

則余之幸也夫

時

康熙三十有二年癸酉元日瀛津薇垣沈鏡

自序

脉訣規正敘

業岐黃之於脉也猶決拾者之于的也由基
雖巧苟不先識其的欲穿楊也楊安在乎古
今醫集汗牛充棟而必先列脉於卷首者誠
知所重也臟腑不能言也而言之者則鑿鑿
亦云理而已矣神農嘗草遇毒之說不足信
也業已毒矣業已死矣將誰救之者本草之
論當歸也稍破血身養血頭生血一草之微

分爲三截皆窮理格物而得安用嘗哉脉之道亦然前人議論間有不同然亦各據其理各據所見而立言識有淺深故意多岐出俗云高陽生脉位都差乃人遵之而療疾者亦嘗奏效則何故謂高陽不足盡脉之變則可而必曰差也豈彼任意妄發欲殺天下後世乎存心未必不仁若此若王叔和脉經世皆珍如拱璧其中寧無一二沾滯乎道理無窮

聰明日出互相補其不足則神明變通識見
鴻濶必云一人是一人非也不可也昔朱考
亭云古人審脉不專在六部偏身有脉皆能
審疾由此以思豈可執一而論也都門沈君
薇垣予至戚也折肱此道蓋有年矣世之賴
而臻壽域者難更僕數身在三津名傳四海
以菩提利濟為心而非有所覬覦真一代偉
人也深憂脉書議論不一後學無所措手於

是取諸家之著述極深研幾彙為一冊不出
乎古人亦不泥乎古人總以理為斷不一者
始歸于一矣顏其端曰脉訣規正張劉朱李
號稱四家得吾沈君不又益而為五哉留心
岐黃者守之勿失則先識醫的亦可免乎庸
工之誦矣嘉惠後學功流百世文正公所以
埒諸宰相也歟

知門同學弟尤子鳳頓首拜撰

刪註脈訣規正目次

門人徐良臣暨匡叅補

瀛津中和主人沈鏡微垣甫刪註 男士

瀛子步

叅訂

澤子集

姪士

演子毓

較閱

顥子素

卷之上

內景真傳圖

內景真傳說

內經五臟六腑十二官論

十二經
臟腑手足陰陽表裏圖

三焦圖

膽中包
絡辯

五臟生
成喜惡色味之圖

命門圖

臟腑十
一時流注圖

五行相
生應脈圖

四時五
臟生脈圖

四時五
臟邪脈圖

四時穴
氣脈圖

五臟之脗皆繫於背圖

辨妄

內經三部診候圖

內經寸關尺三部診候脈法

內經三部九候脈法

持脈手法

診脈三要

診家樞要

脈察六字

反開脈